

8474

Պրալետարներ բոլոր յերկրներէ, միացե՛ք

Ս. Կ. ՇԱԴՈՒՆՑ

ԱԶՈՎ-ՍԵՎԵՐՈՎՅԱՆ ՅԵՐԿՐԱՅԻՆ
ԿՈՒՍԱԿՑԱԿԱՆ ԿԱԶՄԱԿԵՐՊՈՒԹՅԱՆ
ԶՏՄԱՆ ԽՆԴԻՐՆԵՐԸ

ЗКПЗ

С-12

ԿՈՒՍԱԿՑԱԿԱՆ ՀՐԱՏԱՐԱԿԶՈՒԹՅՈՒՆ
ՌՈՍՏՈՎ-ԴՈՆ — 1934

12 JUL 2013

Պրոլետարներ բոլոր յերկրների, միացե՛ք

3K03
6-12

Ս. Կ. ՇԱԴՈՒՆՑ

9 DEC 2008

24 SEP 2008

պի.

330/23242-60/1002
30560

ԱԶՈՎ-ՍԵՎԵՐՆԱՆ ՅԵՐԿՐԱՅԻՆ
ԿՈՒՍԱԿՑԱԿԱՆ ԿԱԶՄԱԿԵՐՊՈՒԹՅԱՆ
ԶՏՄԱՆ ԽՆԴԻՐՆԵՐԸ

Համ. Կ(բ Կ ԿԿ-ին Կից կուսակցական վերա-
հսկիչ համաձայնության Ազգային-վճարային
յերկրամասի լիազորի գեկուցումը «Կարմիր
Աֆաշ» գործարանի կուսակցական կազ-
մակերպության ժողովում մարտի 25-ին

Թարգմ. Հ. ԲՈՂԴԱՆՅԱՆ

2598

ԿՈՒՍԱԿՑԱԿԱՆ ՀՐԱՏԱՐԱԿԶՈՒԹՅՈՒՆ
ՌՈՍՏՈՎ-ԴՈՆ — 1934



18 SEP 2013

8474

0005 932 1 8

Отвѣт. по выпуску В. ЦОВЬЯН

Техред. О. ТЕР-ДАВЫДОВ

Сдано в набор 17-IV—34 г.

Издание № 696.

Статформат А6 148x105.

Уполкрайлита № В—490.

Подпи сано в печать 29-IV—34 г

Об'ем 1,25 печ. листа.

Заказ № 2035.

Тираж 1500.

Типография им. „Стачки 1902 г.“ АЧКПТ.

Ростов на Дону.

1. ԶՏՈՒՄՆ ԸՆՅԿԱՅՆԵԼՈՒ ԺԱՄԿԵՏՆԵՐՆ ԱԶՈՎ-ՍԵՎԺՈՎՅԱՆ ՅԵՐԿՐԱՄԱՍՈՒՄ

Ընկերներ, մեր կուսակցության XVII համագումարը վորոշեց կուսակցության շարքերի զառույն ավարտել 1934 թվի առաջին կեսում:

Ազով-Սեվժովյան կուսակցական կազմակերպությանը իր շարքերի զտման բավականաչափ փորձ ունի: Յեթե չխոսենք 1929 թվի և նախկին տարիների զտման մասին, ապա 1932-1933 թ. թ. մեր յերկրամասը զառույն անցկացրեց կուսակցության կազմակերպած սաբոտաժի շրջանում: Այդ ժամանակաշրջանում զտվում էր Ազով-Սևժովյան կուսակցական կազմակերպության փոքր մասը: Կուսակցության կազմակերպության մեծագույն մասը — մինչև 100 հազար կուսակցական անդամներ և թեկնածուներ — զրտման չյենթարկվեց:

Զտման պլանը հաստատված է մարտի 23-ին
կուսակցութեան Յերկրային կոմիտեյի կողմից։
Պլանն այսպես է. ապրիլի 10-ից ձեռնամուխ ենք
լինում Ռոստովի կուսակցական կազմակերպու-
թեան զտմանը, ապա ապրիլի 20-ից — ութը խո-
շորագույն արդյունաբերական ու յոնների՝ Տա-
գանրոզի, Կրասնոդարի, Նովոչերկասկի, Նովո-
րոսիյսկի, Շախտի, Սուլինի, Տուսապսեյի և Ապ-
շերոնի կուսկազմակերպութեաններ զտմանը։

Այս կազմակերպութեաններն իրենց շարքե-
րում հաշվում են 64304 կուսանդամներ ու թեկ-
նածուկներ, այսինքն՝ յերկու յերրորդականն այն
քանակութեան, վորն ամենամոտիկ ապագայում
պետք է զտման յենթարկենք։ Արդյունաբերա-
կան ու յոնների կուսակցական կազմակերպու-
թեանների զտումը պետք է ավարտվի 40 — 45
որում, վորպեսզի նախ՝ Ազով-Սեվծովյան յեր-
կրամասի պրոլետարական կազմակերպութեան-
ների վորձը գլուղ փոխադրվի, յերկրորդը՝ վոր-
պեսզի քաղաքային կուսկազմակերպութեաննե-
րից վորոշ կադրեր փոխադրվեն գլուղի կուսակցու-
թեան կազմակերպութեան զտմանը մասնակ-
ցելու համար, և յերրորդը՝ վորպեսզի Ռոստովի
և Ազով-Սեվծովյան արդյունաբերական մյուս ու-
յոնների կուսակցական կազմակերպութեաններն
ավելի արագութեամբ տան զտման հանրապու-

մարը՝ եւ ավելի մորիլիդացիայի յենթարկելու
կուսակցական և անկուսակցական մասսաները,
մեր կուսակցութեան XVII համագումարի վորո-
շումներն ավելի լավ իրագործելու համար։

Յերկրորդ հերթին, մայիսի 20-ից սկսվելու յե
գլուղական կուսակցական կազմակերպութեան-
ների զտումն։ Այստեղ մենք հաշվում ենք կու-
սակցութեան 27 հազար անդամ և թեկնածու։
Գլուղական կուսակցական կազմակերպութեան-
ների զտումը պետք է ավարտվի հուլիսի սկզբին։

Զեղնից ամեն մեկը կարող է հարց տալ ինքն
իրեն. ինչու հենց այս ժամկետներն են սահման-
ված զտման համար։ Մինք կանգ ենք առել այս
ժամկետների վրա նրա համար, վոր ապրիլ ամ-
սում արդեն հայտնի կլինեն արդյունաբերական
ձեռնարկութեանների առաջին յեռամսյակի աշ-
խատանքների հանրագումարները։ Առաջին յեռամ-
սյակի հանրագումարներից ուցան իշները մեզ կտան
այն պատկերը, թե կուսակցութեան անդամներն
ու թեկնածուներն ինչպես են իրագործում առա-
ջագահ դերն արդյունաբերութեան մեջ, ինչպես
են մորիլիդացիա անում իրենց շուրջն անկու-
սակցական բանվորական մասսաներին՝ արտա-
դրական պլանները կատարելու համար։

Մասնավորապես «Կարսիւր Աքսայ»-ի կուս-
կազմակերպութեանն առաջադրվելու յե այսպիսի

հարց. «Ինչո՞ւ դուք տապալում եք տրակտորների նորոգումը. ո՞վ է այս տապալման կոնկրետ մեղավորը, ինչո՞ւ դուք կասեցնում եք վոչ միայն ձեր արտադրական առաջադրանքի կատարումն, այլև ցանքսի տեմպերը, վորն այս տարի սկսվեց սովորականից վաղ, մոտավորապես մի տասն որ առաջ»:

Զտման հանձնաժողովը կդիմի ձեր գործարանի գործիքներ պատրաստող ցեխի բոլշեիկներին և կհարցնի. «Ինչո՞ւ դուք այդպես վատ եք աշխատում, ինչո՞ւ դուք չեք կատարում կուսակցության վորոշումները»: Այդ հարցն առաջարկվելու յե՛կ՝ ուրիշ հետաքննաց ձեռնարկությունների յուրաքանչյուր բոլշեիկի, կուսակցական յուրաքանչյուր կազմակերպության: Կուսակցության անդամը զտման ժամանակաշրջանում պետք է հաշիվ տա կուսակցական և անկուսակցական մասսաների առաջ այն մասին, թե ինչպես է կատարում նա կուսակցության վորոշումները կոմունիստի առաջապահ դերի մասին:

Նույնպես և գյուղական կուսակցական կազմակերպություններում: Մայիսի վերջերին արդեն բոլորովին պարզ կլինի, թե յուրաքանչյուր կուսակցական կազմակերպություն ինչպես է մասնակցել ցանքսի աշխատանքներում: Կուսակցության XVII համագումարը գյուղի կոմու-

նիստների առաջ դրել է բերքատվության բարձրացման, ցանքսի ժամկետի առավելագույն կրճատման և նրա վորակի առավելագույն բարձրացման խնդիրը: Զտման հանձնաժողովը պահանջելու յե գյուղական կոմունիստներից այս վորոշման կատարումը: Այժմ արդեն ժամանակն է հարցնելու Մեչոտինսկի, Կուշնովկայի, Նովո-Պոկրովսկի, Կորենովսկի ու մի շարք այլ հետաքննաց ռայոնների կուսակցական կազմակերպությունների քարտուղարներին — ինչո՞ւ նրանք ցանքսի հենց սկզբից ցանքսի ցածր տեմպեր վերցրին, տեմպեր, վորոնք բոլորովին հակառակ եյին կուսակցության Ազով-Սեծովյան կոմիտեյի վորոշումներին:

Ահա, ընկերներ, ինչո՞ւ յեն սահմանված զրաման այս ժամկետները: Մենք կանգ առանք հենց այս ժամկետների վրա նա համար, վորպեսզի յուրաքանչյուր կոմունիստ, ժողով գալիս, իմանա, վորնա գալիս է հաշիվ տալու կուսակցությանը, հաշիվ տալու անկուսակցական մասսային՝ ցանքսի պլանի ու ձեռնարկության արագրական պլանի կատարման աշխատանքի մասին: Նա պեսք է հաշիվ տա կուսակցության յե՛կ անկուսակցական մասսաների առաջ, թե ինչպես է ըմբռնում նա ներկա մոմենտում կուսակցության առաջ կանգնած խնդիրները, թե վորքան պատաս է նա պայքարելու՝ անդասակարգ սոցիալիսական նաստեղկության կառուց-

ման մասին կուսակցության XVII համագումարի վարժումները կատարելու համար։ Նա պեժֆ ե ապացուցի, վոր արժանի յե Լեմբեի մեծ կուսակցության անդամի կոչումը կրելու։

II. ԿՈՒՍԵՑՈՒԹՅԱՆ ԶՏՈՒՄԸ —

ԻՆՔՆԱՔՆՆԵՐԵՍՈՒԹՅԱՆ ԲԱՐՉՐԵԳՈՒՑՆ ԸՐՏԱՀԱՅՏՈՒԹՅՈՒՆՆ Ե

Հնկերներ, աշխարհում վնչ մի կուսակցություն թույլ չի տալիս իրեն զտել իր շարքերը։ Միայն մեր կուսակցությունը — համաժողովեհնական կոմունիստական (բոլշևիկներ) կուսակցությունը հնարավորություն ունի ժամանակ առ ժամանակ իր շարքերի զտումը կատարելու։

Յեթե վերցնենք բուրժուական յերկրների կոմունիստական կազմակերպությունները, վորոնք գործում են աշխգալ պայմաններում, ապա կտեսնենք, վոր նրանք չեն կարող զտել իրենց շարքերը։ Մեր կուսակցությունը նույնպես չգիտեր զտում՝ ընդհատակյա պայմաններում աշխատած ժամանակ։ Այն ժամանակ զտում չեր ել պահանջվում, վորովհետև ով վոր այն պայմաններում մտնում եր կուսակցություն, առաջուց գիտեր, վոր նա կուսակցություն ե մտնում՝ ցարիզմի դեմ պայքարելու համար, բանվոր դասա-

կարգի դատը պաշտպանելու նպատակով։ Նա գիտեր, վոր նրան կարող են և՛ բանտ նստեցնել, և՛ աքսորել, և վոր նրան կյանքից ել կարող են զրկել։ Այն ժամանակներում կուսակցություն ելին մտնում բանվոր դասակարգին նվիրված, նրա համար մեռնելու պատրաստ ընկերները։ Այնինչ մենք ներկայումս, յերբ մեր կուսակցությունը հանդիսանում ե իշխող կուսակցություն, գործում ենք բոլորովին այլ պայմաններում։

Կոմիստերնի յերկրորդ կոնգրեսը դեռ 1920 թվին վորոշեց՝ «Այն բոլոր յերկրների Կոմունիստական կուսակցությունները, ուր կոմունիստներն իրենց աշխատանքը տանում են լեգալ կերպով, պետք ե կատարեն բոլոր կուսակցական կազմակերպությունների անձնակազմի պարբերական զտումը (վերագրանցումը), վորպեսզի սխտեմատիկաբար մաքրեն կուսակցությունը՝ անխուսափելիորեն նրա շարքերը սողոսկած մանր բուրժվական տարրերից»։

Կոմիստերնի և մեր կուսակցության համագումարների վորոշումների հիման վրա, մենք ներկայումս ձեռնամուխ ենք լինում մեր շարքերի հերթական զտմանը։

Ինչ պայմաններում կարող ե զտումը մաքսիմալ (առավելագույն) հաջողություն ունենալ։

Այն պայմաններում, յերբ լայնորեն կ'ծավալվի ինքաքննադատությունը: Մեր շարքերում ինքնաքննադատության լայնորեն ծավալման պատճառով միայն, ինչպես և անկուսակցական բանվորական մասսաների և, բոլոր ազնիվ աշխատավորների կողմից մեր առանձին ընկերների սխալների ու թերությունների քննադատության շնորհիվ զտումը կարող է դրական հետևանքներ տալ:

Դուք հիշում եք, ընկերներ, թե ինչպիսի սրությամբ ե գնում ընկ. Աճալիճը ինքնաքննադատության հարցը: Նա ասում է, վոր ինքնաքննադատությունը մեզ հարկավոր է այնպես, ինչպես ողբ, ինչպես ջուրը: Հունվարի պլենումում նա ընդգծեց, վոր ինքնաքննադատությունը մեզ հարկավոր է ներկայումս ավելի, քան յերբ յեվիցե, հետեւաբար և զտման աշխատանքի հիմնական պայմանը հանդիսանում է լայնորեն ծավալված ինքնաքննադատությունը՝ անկուսակցական լայն մասսաների մասնակցությամբ:

Տրոցկիստներն, աջ ոպորտունիստները քանիցս արտահայտվել են այն մասին, թե զտումը կուսակցության մեծամասնության ձեռքին փրակցիոն դեմք է հանդիսանում ընդդեմ փոքրամասնության: Մեր կուսակցության XIII համագումարում ընկ. Աճալիճն այսպես պատասխանեց Պրեդերստենսկուն. «Ընկ. Պրեդերստենսկին համարում

է, վոր զտումը կուսակցության մեծամասնության զենքն է ոպողիցիայի դեմ, և ինչպես յերեվում է, զտման մեթոդներին հավանություն չի տալիս: Դա — սկզբունքային հարց է. Ընկ. Պրեդերստենսկու խոշոր սխալն այն է, վոր նա չի հասկանում, թե առանց անկայուն տարրերի պարբերական զտման, կուսակցությունը չի կարող ամրապնդվի»:

Մեր կուսակցությունը, վոր միակ և ղեկավարող կուսակցությունն է, չի կարող զտման չյենթարկել իր շարքերը խցկված և ոտար տարրերից ազատվելու համար: Յեվ կուսակցությունը պատմական յուրաքանչյուր ետպում իր շարքերը յենթարկել է խիստ ստուգման: Վերջին զտումը կատարվեց 1929 թվին, յերբ կուսակցությունը սոցիալիստական ծավալուն հարձակման անցավ ամբողջ ֆրոնդի վրա, յերբ նա ձեռնարկեց առաջին հնգամյակի պատմական խնդիրների իրագործմանը: Ներկա զտումն սկսվեց յերկրորդ հնգամյակի առաջին տարում, յերբ կուսակցությունը ձեռնարկեց անդասակարգ սոցիալիստական հասարակարգ կառուցելու ծրագրի իրագործմանը: Ընկ. Աազաճովիչն ասում էր. «Կուսակցության պարբերական զտումն ոտար, անկայուն, մանր բուրժուական տարրերից անհրաժեշտ պայմանն է հանդիսանում՝ կուսակցության

մարտական խնդիրները հաջող իրագործման համար»:

Այդպես ե վարվել կուսակցութիւնն անցյալում, այդպես ե վարվում նա այսօր, այդպես ել վարվելու յե ապագայում: Կուսակցութիւնը դեկավարվելու յե ընկ. Սալիքի ցուցմունքով. «Վերջապես, կուսակցութեան զտման հարցի լոզունգը մասին: Ծիծաղելի կլինեի կարծել, թե կարելի յե ամբացնել մեր խորհրդային-տնտեսական, պրոֆմիութենական և կոոպերատիվ կազմակերպութիւնները, կարելի յե մաքրել նրանց բյուրոկրատիզմի աղտեղութիւնից՝ առանց լավապես սրելու իրեն՝ կուսակցութիւնը: Չի կարող կասկած լինել այն մասին, թե բյուրոկրատիկ տարրերը կենդանի յեն վոչ միայն տնտեսական կոոպերատիվ և պրոֆմիութենական-խորհրդային կազմակերպութիւններում, այլև իր՝ կուսակցութեան կազմակերպութիւնների մեջ: Յեթե կուսակցութիւնն այս բոլոր կազմակերպութիւնների դեկավարող ուժն ե հանդիսանում, ապա ուրիմն պարզ ե, վոր կուսակցութեան զտումն սյն անհրաժեշտ պայմանն ե, առանց վորին անկարելի յե մինչև վերջը հասցնել բանվոր դասակարգի մյուս բոլոր կազմակերպութիւնների աշխուժացումը: Այստեղից ել կուսակցութեան զտման լոզունգը»:

III. ԴԵՍԱԿԱՐԳԱՅԻՆ ԹՅՆԱՄԻՆԵՐԸ ՅԵՎ ՅԵՐԿՅԵՐԵՍՆԻՆԵՐԸ ՏԵՂ ԶՊԻՏԻ ՈՐՆԵՆԸՆ ԿՈՒՍԱԿՑՈՒԹՅԱՆ ՄԵՋ

Հենց նրա համար, վոր կուսակցութիւնը պատմական վորոշ ետապներում դիմել ե զտման, վոր նա կարողացել ե անհողգողդ և անշեղ մաքուր պահել իր շարքերը, պայքարել ե տրոցկիստների դեմ, աջ և «ձախ» տարրերի դեմ կուսակցութեան մեջ, — նա հաղթել ե: Մեր կուսակցութեան հաջողութիւններն առաջին հնգամյակի կատարման դրծում ամենքիդ հայտնի յեն:

Հիմնականում այս հաջողութիւնները կայանում յեն նրանում, վոր «ոճ ումը» հարցը մեր յերկրում վերջնականապես լուծված ե բանվոր դասակարգի ոգտին, վոր մեր յերկիրը դարձել ե ինդուստրիալ յերկիր, վոր կոլխոզային կարգը հաղթել ե, վոր կառուցվել ե սոցիալիզմի հաստատուն հիմքը, վոր մեր կուսակցութիւնը, ընկ. Սալիքի դեկավարութեամբ, յերկու ֆրոնտում պայքար մղելով, դարձավ միասնական, միաձույլ, ամրակազմ ինչպես յերբեք:

Գոյեկտիվացման քաղաքականութիւնն անցկացնելու հետևանքով կադիտալիզմի արմատները գլուղում արմատախիլ ե արված: Կուլակութիւնը ջախջախված ե, բայց վերջնականապես չի ջարդ-

ված: Դասակարգային կոիլը շարունակվում է նոր պայմաններում, բոլորովին այլ ձևվերով: Կուլակն իր պայթուցիկ աշխատանքն է տանում ականափորությամբ:

Ահա մի որինակ: ձայնադուրկ-կուլա՛յ՝ Տիսւշեվը, վոր 1928 թվականին ապակուլակացվել էր, փախչում է Ստալինգրադ, հետո Ռոստով կեղծ աղագնունով, վորպես հասարակ բանվոր մտնում քաղաքային շինարարության մեջ. 1932 թվին խցկվում է Համ Կ(բ)Կ շարքերը և ապա, վորպես զորակոչիկ, անցնում է Կարմիր բանակը: Նա մակ է գրում նա իր ծնողներին. «Առայժմ ապրում եմ վոչինչ, ծառայությունը դժվար է, միայն վատ է, վախենում եմ, կիմանան կուլակի վորդի լինելս, և այն ժամանակ կարող են կուսակցությունից դուրս անել, և այնուհետև ամեն բան կորած է (ծիծաղ): Հաջողվեց կուսակցության մեջ մտնել: Բանակից վոր վերադառնամ, կգնամ նորից այնտեղ, ուր ծառայում եյի, և վոչ վոք չի իմանա, վոր յես իրավագուրկ եմ: Թանկազին ծնողներ, խնդրում եմ ձեր ապրուստի մասին վոչինչ մի գրեք, թե չե կգրեք կասկածելի բան, վոր դուք գյուղից փախել եք: Վոչ վոք մեղավոր չե, վոր մեզ ապակուլակացրին՝ մեր ճակատագիրը տանջվելն է: Աղոթեցեք աստծուն (ծիծաղ), վոր չիմանան թե յես կուլակի տղա

յեմ, այն ժամանակ կորած է մեր կյանքը, ինձ դուրս կանեն և՛ կուսակցությունից և՛ բանակից» (ծիծաղ):

Հետո նա խրատում է, վոր իրեն գրեն, թե նրանք կոլխոզումն են և լավ են ապրում: Հարցնում է, ինչպես է քեռին: Քեռին սպիտակ-ներից է, Բուլղարիայում: «Յես կ'վերադառնամ, — գրում է նա, — կգնանք Բուլղարիա, քեռու մոտ»: Նա ափսոսում է ջրաբջի մորթուց կարած մուշտակի և մի ինչ վոր այլ բանի մասին, վոր վերցրել — տարել են: Բայց ասում է, թե կորցրածը հետ կշահի և մի բան ել ավելին:

Բացականություններ: — Նա մեր, Պրոլետարական ռայոնի կազմակերպությունից է:

Շագունց: Այս գրողը Ռոստովի կուսակցական կազմակերպության կուսանդամ է: Նա խնդրում է աղոթել աստծուն, վոր չիմանան, թե նա կուլակ է:

Կան և՛ ուրիշ շատ որինակներ: Ահա, որինակ, Վիշնյակովը: 1931 թվին նա մտել է Սելմաշ, հատիչների (обрыдашки) ձուլման ցեխը. նոյեմբել ին ընդունվում է թեկնածու: Բանից դուրս է գալիս, վոր կուլակ է և գործարան մտել է կեղծ փաստաթղթերով: Ի՞նչ են ասում այս փաստերը: Նրանք ասում են այնպիսին, վոր այսպիսիներին թե հանձնարարող և թե կուսակցության շարքերն ընդունող կուսանդամները բավականաչափ ուշադիր չեն,

քաղականության արժեքն չեն կուսակցութեան մեջ
նոր անդամներ ընդունելու գործում:

Կարելի չէ մեջ բերել հետեյալ բնորոշ որի-
նակը. Գորյաչիյ կլուշում կուսակցութեան եր
ընդունվել կուլակ կալմըկովը, վորը զտման ժա-
մանակ չեր հերքում իր սոցիալական դրութիւնը
և հայտարարեց, թե ինքը ցանկութիւն չի ունե-
ցել կուսակցութեան մտնելու, այլ նրան քարշ են
տվել կուսակցութեան մեջ անցնելու: Կուսակցու-
թեան մեջ մնալ նա չի ուզում: Ահա ինչպիսի
որինակներ են լինում, յերբ կորչում է դասակար-
գային զգոնութիւնը:

Պուք տեսնում եք, վոր մեր կուսակցութեան
շարքերում կան առանձին անձեր, վորոնք կը պ-
չել են կուսակցութեանը: Ուստի և կուսակցու-
թեան զտման մասին Համկոմկուսի (բ) ԿԿ-ի
վորոշման առաջին կետում ուղղակի ասված է,
վոր կուսակցութիւնից հեռացվում են «դասա-
կարգայնութեն ոտար ու քեմամբ քարքերը, վորոնք խա-
բուսիկ նաեւ պարհով կուսակցութիւնն են խըց-
կվել ու մնում են այնտեղ՝ կուսակցական քարքերը
կազմալուծելու համար»:

Պուք զիտեք, վոր դասակարգային թշնամին
մեր կուսակցութիւնն է գալիս վոչ թե նրա
համար, վոր նա «ներառվում է սոցիալիզմի մեջ»,
այլ նրա համար, վորպեսզի ակնադիորութեամբ

կալմալուծի մեր արտադրութիւնը, մեր կու-
խոգները:

Համաժիտութեան կ' մունիստական (բուլհիկ-
ների) կուսակցութեան ԿԿ-ի վորոշման յերկրորդ
կետում ասված է, վոր կուսակցութիւնից հեռաց-
վում են «յեքլյեխսանիները, վորոնք կուսակցու-
թեան խաբելով են ապրում, վորոնք նրանից ծածկում
են իրենց իսկական ձգտումները յեկ, կուսակցու-
թեանը «հավասարիս» մնալու սուս յերդման հովանու-
տակ, փորձեր են անում գործով քաղալի կուսակցու-
թեան քաղաքականութիւնը»:

Յեա ձեզ որինակներ բերի այն մասին, թե
ինչպես է կուսակցութիւնն խցկվում անհարազատ
տարրը: Բայց միթե չկան այնպիսի դեպքեր,
յերբ վոչ թե անհարազատ, այլ յերբեմն մեզ
դասակարգայնորին մերձավոր մարդիկ, նույնիսկ
բանվորների միջից, բանվորական շարքերում ար-
տացուրում են հետամնաց շերտերի ձգտումները
ուզում են դասակարգային թշնամուն: Մենք
զիտենք մի շարք աշակիսի դեպքեր: Այդպես պա-
տահեց տրոցկիստների հետ, վորոնք խոսքով
ընդունում էին մեր կուսակցութեան գլխավոր
գծի ուղիղ լինելը, խոսքով ընդունում էին կու-
սակցութեան քաղաքականութեան ուղիղ լինելը,
բայց դրա հետ միասին գրոհում էին կուսակ-
ցութեան վրա, գտնվելով նրա շարքերում: Մենք

1004 301 93242-60
30560



գիտենք «ձախլիկներին», աջերին, նրանց բլովը: Գտնվելով մեր կուսակցության շարքերում, նրանք խոսքերով ընդունում եյին մեր կուսակցության գլխավոր գիծը, բայց դրա հետ միասին համաձայն չեյին այդ դժի հետ, խաբում եյին կուսակցությանը: Կարելի չե բերել որինակներ. ահա՛ ձեզ Ալեքսանդր Պետրովիչ Սմիրնովը: Գտնվելով մեր կուսակցության շարքերում և վարելով պատասխանատու պաշտոններ, մինչև իսկ Համկոմկուսի (բ) ԿԿ-ի քարտուղարի պաշտոնը, նա միաժամանակ խաբում եր կուսակցությանը, թաքցնում եր ու թաքցնում ե կուսակցությունից իր աջ հայացքները: Այսպես եր նաև Լոփնաձեն և ուրիշները:

Բայց միթե այժմ չկան այդպիսիները կուսակցության մեջ: Յեվ ահա զտուժը պետք ե հայտաբերի այդ մարդկանց, յեղնելով այն բանից, վոր իսկապես մեր ամենավտանգավոր թշնամին նա յե, վորը, գտնվելով կուսակցության շարքերում, խաբում ե կուսակցությանը, նա, վորը կուստոմնը գրպանում մեր թշնամին ե հանդիսանում: Այն մարդը, վորն ընդունակ ե յերկյերեսանիություն անել, խաբել կուսակցությանը, թաքցնել կուսակցությունից իր իսկական հայացքները, նա մեր կուսակցության ամենավտանգավոր թշնամին ե, և մենք վոչ վոքի թույլ չենք

տա խաբել կուսակցությանը: «Այն մարդը, վորն ընդունակ ե յերկյերեսանիություն անել, վորն ընդունակ ե խաբուսիկ միջոցներով բազմեցնել կուսակցությունից իր իսկական հայացքները, նա կուսակցությանը դավանանելու ուղիք ե բռնում» (Կազանովիչ): Մենք այդ մարդկանց կգտենք մեր կուսակցության շարքերից:

IV. ՅԵՐԿԵԹԵ ԿԵՐԳԱՊԷՀՈՒԹՅՈՒՆԸ-ԲՈԼՅԵՎԻԿՑԸՆ ԿՈՒՍԼԱՑԵԼԵՆՈՒԹՅՈՒՆ ԿԵՐԵՎՈՐԵՐՈՒՅՆ ՊԵՏՄԵՆ Ե

Առաջիկա գտնան ժամանակ բացառիկ կարևոր տեղ ե հատկացվելու կուսակցական կարգապահության ամրացման հարցին: Յես դեռ բավականաչափ ծանոթ չեմ Ազով-Սեվժովյան յերկրամասի կուսակցական բոլոր կազմակերպություններին, սակայն պետք ե ասեմ, վոր յես արդեն իսկ գալիս եմ այն յեզրակացության, վոր կուսակցության կարգապահության իրականացումը մեր դյուղական կուսակազմակերպություններում շատ վատ ե: Բավականաչափ լավ չե նաև քաղաքի կուսակցական կազմակերպության մեջ: Կենտրոնական կոմիտեյի, Յերկրկոմի, քաղաքային կուսակցական կոմիտեյի վորոշումների հետ շատերն իհարկե համաձայնում են և ծախահառում, բայց

յերբ տեղն ե գալիս նրանց իրականացնելու, — չեն իրականացնում, անգիտանում են, պատական չեն համարում իրենց կուսակցութեան վորոշումները կատարելու: Դուք պետք ե իմանաք, ընկերներ, ընկ. Լենինի խոստումն խոսքերն այդ հարցի մասին: Նա ասում եր. «Ով վոր մազաչափ իսկ թուլացնում ե պրոլետարիատի կուսակցութեան յետկարե կարգապահութիւնը (մանավանդ նա դիկտատուրայի օրջանում), նա փաստօրեմ ոգնում ե բուրժուազիային՝ ընդդեմ պրոլետարիատին»: Մենք պետք ե աշխատենք, վորպեսզի Լենինի այս խոսքերն իմանան, յուրացնեն մեր կուսակցութեան բոլոր անդամները, մեր ամբողջ կազմակերպութիւնը: Մեզ հարկավոր ե, վորպեսզի յուրաքանչյուր վոր հասկանա, վոր նա, ով այսօր խոսքով ընդունում ե կուսակցական կազմակերպութեան վորոշումներն, իսկ գործնականում չի կատարում նրանց, նա բազմակի ոգնում ե դասակարգային թշնամուն:

Յես արդեն չեմ խոսում այն մասին, վոր մեր կուսակցութեան շարքերում կային ե, թերեւ, այժմ ել կան մարդիկ, վորոնք կողմակից են ֆրակցիաների, խմբավարումների կազմակերպութեան մեր կուսակցութեան մեջ: Մեր կուսակցութիւնը յերբեք չի հանդուրժել վնչ ֆրակցիաներ ե վնչ խմբավարումներ: Դուք հիշում եք, վոր այդ պա-

հանջում եյին տրոցկիստները: Դուք հիշում եք՝ ինչպեա աջերը վրդովվում եյին, վոր կուսակցութիւնը հնարավորութիւն չի տալիս նրանց վիճաբանելու այն խնդիրների շուրջը, վորոնց մասին կուսակցութիւնն արդեն դուրս ե բերել իր վորոշումները: Մենք ներկուսակցական դեմոկրատիայի կողմակից ենք, մենք կուսակցութեան մեջ հարցերի քննարկման կողմակից ենք, բայց յերբ կա համապատասխան կուսակցական ինստանցիայի վրդոշումը, կա Համկոմկուսի (բ) ԿԿ-ի վորոշումը, բարեհաճեցեք միայն կատարել այն: Ահա պահանջներ, վոր դնում ե կուսակցութիւնն իր յուրաքանչյուր անդամի, յուրաքանչյուր բոլշակիկի առջ: Կուսակցութիւնն այս կամ այն վորոշումներն ե դուրս բերում տնտեսական հարցերի նկատմամբ, բայց կուսակցութեան վնչ բոլոր անդամներն ու թեկնածուները պարտադիր են համարում կատարելու այդ վորոշումները: Այլապես չեր կարողինել այն դրութիւնը, վորը մենք ունենք «Կարմիր Աքսալում» տրակտորների նորոգութեան գործում, այլապես մենք չեյինք ունենալ «Աքսալի» գործիքներ պատրաստող ցեխում այլանդակդրութիւնը, Սելմաշում՝ ձեղքվածքը, այնպիսի ամենաայլանդակ դրութիւնը, յերբ պահածոյի «Սմիչկա» ֆաբրիկան ապակու կտորտանքներով կոնսերվներ ե հրամցնում: Դուք գիտեք, վոր սննդա-

յին արդյունաբերութեան սանիտարական կացութեան մասին կուսակցութեան Կենտկոմի հաաուկ վորոշումը կա: Յիվ մենք գուման ժամանակ «Սմիչկա» գործարանի կուսկադմակերպութեան անդամներից պատասխան կպահանջենք, թե ինչպես են իրագործել նրանք Կենտկոմի վորոշումը այդ հարցի մասին, ու ինչու են նրանք «Աքսայի» վզին փաթաթում 12 հազար տուփ անպէտք, զվվիւի և կյանքի համար նուշինսկ վտանգավոր կոնսերվները և ինչո՞ւ Յերկրային մատակարարման բաժինը սպառնալիքով արձանագրում ե նրանց աղգանունները, վորոնք հրաժարվում են բանվորների մատակարարման համար այդպիսի կոնսերվներ ընդունելուց: Մենք այդ ել կստուգենք: Կուսակցութեանը վոչ վորք թույլ չի տալիս անպէտք ապրանքներ ծախել բանվորներին, կուսակցութեանը թույլ չի տալիս ծաղրանքի յենթարկել սպառողներին: Կենտկոմի տնտեսական հարցերի մասին ընդունած վորոշումները չկատարելը կուսակցական կարգապահութեան խախտումն է:

Քաղաքացիական պատերազմի ժամանակ կգտնվե՞ր արդյոք մեկը, վոր համարձակվեր վիճաբանութեան յենթարկել կուսակցութեան Կենտկոմի վորոշումը: Դուք յերեվակայում եք, թե ինչ կլինենր, յեթե քաղաքացիական պատերազմի ժամանակ, պատերազմական պրծողութեանների ժա-

մանակ մենք թույլ տված լինեյինք այդպիսի վիճաբանութեաններ: Արդյունքն այն կլինենր, վոր մեզ կջարգեյին: Այն ժամանակ մեր կուսակցութեանն ուներ յերկաթե կարգապահութեան և ով վոր ընդդիմանում եր այդ կարգապահութեան և խախտում այն, մեր կուսակցութեան շարքերից միշտ դուրս եր նուում: Այդպիսին վոչ թե մեզ հետ, այլ մեր դասակարգային թշնամիների հետ եր:

Մեր կուսակցութեան XVII համագումարն անդամակարգ սոցիալիստական հասարակութեան կառուցման ամենահսկայական խնդիրներն ե առաջադրել մեզ: Յիվ նա, ով վոր չի ուղում կատարել այդ խնդիրները, նա խախտում ե կուսակցական կարգապահութեանը, նա չի կարող մեր կուսակցութեան անդամը լինել: Պլանի իրական լինելումսին վիճաբանութեանն անթույլատրելի յե: Մենք պահանջում ենք և պիտի պահանջենք կուսակցութեան յուրաքանչյուր անդամից և թեկնածույից, իսկ առաջիկայումս նաև համակրողներից, վորպեսզի վոչ միայն իրենք կատարեն կուսակցութեան վորոշումներն, այլև մորիլիզացիայի յենթարկեն անկուսակցական ակտիվը անկուսակցական մասսաները մեր կուսակցութեան վորոշումների լավագույն կատարման համար:

Համկոմկուսի (ք) Կենտկոմը գուման մասին ընդունած իր վորոշմամբ պահանջում ե կուսակցու-

թյան շարքերից հեռացնել «կուսակցության յեվ պետության յերկաթ՝ կարգադրանքայումը ածխաբան յեվ գաղահի խախտողներին, կուսակցության յեվ կառավարության վարժումները չկասաբողներին, կուսակցության վարժումներն ու սահմանած պլանները կասկածի յեմբարկողներին յեվ վառկաբեկողներին, վարժմ Եղաղկաբանում են նրանց «ամուռալության» յեվ «անխաղաղութիւնության» մասին»:

Ահա, ընկերներ, ինչպես ե վարվելու կուսակցության զտման հանձնաժողովը նրանց հետ, ովքեր չեն կատարում կուսակցության և կառավարության վորդուները, այլ գերադասում են վիճաբանություն մղել պլանի իրադրծելի և անիրադրծելի լինելու մասին:

Մեր կուսակցության կազմակերպության մեջ կան բազմաթիվ որինակներ, յերբ կուսակցության անդամները պարտական չեն համարում իրենց կատարել կուսակցության վորդուները:

Վերցնենք թեկուզ Ազով-Սևծովյան յերկրամասի կուսակազմակերպություններից մի քանիսի վարմունքը ցանքսի հենց առաջին որերին: Յեվ կուսակցության կենտրոնական կոմիտեն, և՛ Յերկրկումը մի շարք վորդուներ և ցուցմունքներ են տվել ցանքսի նախապատրաստման և ժամկետների մասին: Այնինչ, կուսակցության Նովո-Պոկրովսկի ռայկոմի քարտուղար, կուսակցության նախկին

անդամ Վարֆոլոմեյովը, ցանքսը կազմակերպելու փոխարեն, քեֆ ե սարքում իր տանը, ապա հարեած նստում ե մեքենան ու իր բնակարանից մի քանի քայլ հեռու խրվում ե ցեխի մեջ, իսկ կուխողները ցեխից քաշում—հանում են մեքենան ու նրան: Յեվ սա ռայկոմի քարտուղար ե: Միթե կարելի յեր այլ կերպ վարվել նրա հետ, քան յեթե հեռացնել նրան կուսակցությունից: Հենց այդպես ել վարվեց կուսակցության Վ. Հիպոթին առնթեր կուսգույպիան: Արդեն յերբորդ անդամ եր, վոր Վարֆոլոմեյովը ռայկոմի քարտուղար եր ընտրվում: Յերկրկովից նա ստացել եր խիստ հանդիմանություն և նախազգուշացում, նա այնքան «հանդիմանակեր» ե յեղել, վոր հանդիմանությունները նրա համար սովորական յերևույթներ են, և հավանորեն, հանդիմանություններ յարող եր քաշում՝ յերբ չեր ստանում:

Կուղբայվցել: Նա կազմալուծեց ռայոնական ամբողջ ղեկավարությունը:

Շաղաւնց: Ընկեր Կուղբայվցեն ասում ե, վոր նա կազմալուծել ե ռայոնական ամբողջ ղեկավարությունը: Մենք զրա համար հեռացրինք կուսակցությունից, վորպեսզի մնացյալները հասկանան, վոր մենք ամենամանխնա պայքար ենք մղելու նրանց դեմ, վորոնք պիտարձակվեն խախտել կուսակցական կարգապահությունը:

V. ՉՏԵԼ ԿՈՒՍԱԿՑՈՒԹՅՈՒՆԸ ՎԵՐԱՍԵՐՎԱԾՆԵՐԻՑ, ՄՈՐԹԵՎՈՇՏՆԵՐԻՑ, ԿԵՐՏԵՐԻՍՏՆԵՐԻՑ, ԲՅՈՒՐՈՒԿԵՐՏՆԵՐԻՑ

Բացի Համկոմկուսի (բ) Կենտկոմի վորոշումների այս յերեք կետերից, վորոնց հիման վրա հեռացվում են կուսակցական շարքերից, ԿԳ-ը մատնանշում է նաև հետևյալը. կուսակցությունից հեռացվում են «վերաբերվածներ, վորոնք համանել են բուրժուական օտարերի նեց, չեն ուզում գործով պայքարել դասակարգային բռնամիների դեմ, իրոք չեն պայքարում կուլակային օտարերի դեմ, կազմակերպության, դասակարգային, գողերի յեվ հասարակական սեփականությունը հափճեցողների դեմ. կաթ յերիսներ, մորթալաճներ, յեվ բյուրակաւացացած օտարեր, վորոնք կուսակցության անդամ յեվ խորհրդային պետության ծառայող լինելն ոգտագործում են իրենց անձնական մորթալաճական նպատակների համար, կերված են մասսաներից յեվ բանվորներ ռու գյուղացիների կարիքներն ու պահանջներն են արհամարհում. բարոյապես կազմալուծվածներ, վորոնք իրենց անվայել վարով ձգում են կուսակցության արժանապատիւրյունը, կեղտոտում են կուսակցության դրօքը»:

Կան արդյոք այսպիսիները մեր կուսակցական կազմակերպության մեջ: Կարծում եմ, վոր վոչ-

վոք այս մասին կասկած չունի: Ահա ձեզ Սիչեվը, կուսակցության նախկին անդամ 1925 թվից, Ռոստովի կուսակազմակերպությունից, ինքը բարակ, յեղիլ է Կարմիր բանակում, աշխատել է իբրև ՈՒՎ-ի հյուսիս, կովկասյան բաժնի կառավարի:

Հացամթերման մոբիլիզացիայից խուսափելու համար, նա, առանց Յերկրկոմի գիտության, հրաման է արձակում իր արձակուրդ գնալու մասին, թեև փաստորեն շարունակում էր աշխատել բաժնում: Յերբ Յերկրկոմից զանգահարում են այդ Սիչեվին, հիմարկությունը նրա հրամանով հաղորդում է, թե Սիչեվը չկա, դնացել է արձակուրդ: Վերջապես յերբ նա կանչվեց Յերկրկոմ, ռայոն ուղևորվելուց հրաժարվեց՝ պատճառաբանելով, թե ինքն արձակուրդի մեջ է և թե՝ «ինձ կարող էյիք ավելի ռացիոնալ ձևով ոգտագործել, քան թե գյուղ ուղարկելն է»: Ի՞նչ անուն կա՝ ընդ յե տալ նրան, յեթե վոչ կարյերիստ: Ի՞նչ անուն կարելի յե տալ կուսակցության այն անդամին, վորը փոխանակ վորպես կուսակցության և հեղափոխության ռադիկալ զինվոր, անմիջապես Յերկրկոմի վորոշումը կատարելու, «արձակում է» իրեն արձակուրդ գնալու և «ցուցմունք» է տալիս այն մասին, վոր ավելի ռացիոնալ կերպով կարող էյին ոգտագործել իրեն:

Ընկերներին փոխանց թերադնահատուած հն նման
ընույթի արարքները:

Վերցրե՞ք գործալքումները: Գործալքում են
նաև կոմունիստները: Ի՞նչ բան ե գործալքումը:
Գործալքումը փաստորեն արտադրական պլանի
տապալուումն է: Իսկ ի՞նչ է նշանակում արտա-
դրական պլանի տապալումը: Դա նշանակում է
ւսակցութեան և կառավարութեան վորոշումներն
անկատար թողնել: Իսկ ի՞նչ է կազմակերպում այդ
տապալումը: Դա կազմակերպում է դասասակար-
գային թշնամին:

Կամ, ընկերներ, սոցիալիստական սեփականու-
թեան հափշտակումը: Հայտնի յե, վոր կոլխոզ-
ները կազմալուծելու նպատակով կոլխոզ խցկված
կուլակը մխսում, հափշտակում է կոլխոզի սեփա-
կանութեանը: Վատնումները կոլխոզում մեծ ծա-
վալ են ստանում, թալանում են կոլխոզի ամբար-
ները, կոռուքերատիվ խանութները, մորթում են
անասունը, հափշտակում են սերմացուն: Սո-
ցիալիստական սեփականութեան հափշտակման
փաստեր կան նաև ձեռնարկութեաններում: Մաս-
նավորապես, Տագանրոգի և Ռոստովի ձեռնար-
կութեաններում: Ըստ վորում մեր յերկու ձեռ-
նարկութեաններում այդ հափշտակումը կազ-
մակերպված էր կուսակցութեան անդամների և
թեկնածուների ձեռքով, նախկին սպիտակ զվար-

դիականների ղեկավարութեամբ: Հիշյալ յերկու
ձեռնարկութեանների գույքը հափշտակելու գոր-
ծին մասնակցել են 10-ից ավելի կոմունիստներ,
ըստ վորում հափշտակումը այնքան նրբին էր
կազմակերպված, վոր հափշտակված ապրանքը
դուրս հանելու միջոցին դիտավորյալ կանխամտա-
ծութեամբ հանգցվում էր ձեռնարկութեան լուսա-
վորութեանը: Կամ թե կոռուքութեան, կազմալուծ-
ման, ձեծի փաստերը: Այս բոլորը դասակարգային
թշնամու գործն է, կուսակցութեան անդամների
դասակարգային ղգոնութեան բացակայութեան
պայմաններում:

«Նեպմանական վորին» դեռ շարունակում է մնալ
մեր կուսակցութեան անդամների մի քանիսի մոտ:
Մոտ անցյալում մեր կուսակցութեան կենտրո-
նական որդան «Պրավդա»-յում կար մի հոդված
սակելույացիայի մասին Ռոստով քաղաքում: Այս
հոդվածում «Պրավդա»-ն մերկացնում էր Ռոստովի
սպառնկութեանցիայի ղեկավարներին, № 3 կոռու-
քի դիրեկտոր Պուշին, ժողովրդական անդի-
տրեստի ղեկավարներին: Հիշյալ ընկերները, գի-
տակ լինելով խորհրդային որենքներին, թույլ
եյին տվել իրենց լայն սպառման ապրանքների
գներն ավելացնել, ապրանքները ծախում էյին
շուկայի գներով, կազմալուծում էյին խորհրդային
շուկան և կոլխոզային առևտուրը: Փոխանակ

կոլխոզ գնալու և այնտեղ գնումներ անելու, փոխանակ հանդիպական ապրանքների վաճառումը կազմակերպելով աղդել կոլխոզային շուկայի վրա գների իջեցման ուղղությամբ, այս կազմալուծողները գներն եյին բարձրացնում կոլխոզային շուկայում, առապալում եյին բանվորների մատակարարումը կոլխոզիկների այն մթերքներով, վորոնք կոլխոզային շուկան եյին բերվում: Այս գործում մեղքի մի մասն ել ընկնում ե քաղկոսի բյուրոյի անդամներ՝ ընկ. ընկ. Սոկոլովի, Վորոբյեվի, Վոլբերգի վրա:

Միթե Շախտի կոոպերատորները դասակարգային թշնամու ազդեցությունից ազատ են, յերբ նրանք կաթի գների վրադիրն են կիրառում, բացը ծածկելու, վնասները ծածկելու առարկությամբ: Վարչական-տնտեսական ծախսերի կրճատման մասին, ինչպես նաև հաստիքների կրճատման ու միջոցների տնտեսման մասին կուսակցության վորոշումներն իրագործելու փոխարեն, այս մարդիկ, վարակված լինելով «նեպ-մանական վոզով», դասակարգային թշնամութեւորությամբ հակակուսակցական գործ են անում: Ձտման հանձնաժողովը չի կարող նման փաստերի կողքով անցնել:

Մեր կուսակցությունը զտման ժամանակ պետք ե մաքրլի բյուրոկրատներից և կարյերիստներից,

վորոնց թիվը մեղնում քիչ է: Վերցնենք, որինակի համար, կուսակցության այնպիսի անդամի, վորպիսին Գանդյուկն ե — Նովոչերկասկի ույոնական Վչ-ի կուսկոյեգիայի նախկին քարտուղար, ինքը՝ Գանդյուկը պատասխանատվության եր յենթարկում կուսակցության անդամներին՝ կուսակցական դիրեկտիվները չկատարելու համար: Իսկ յերբ նրան մոբիլիզացիայի յենթարկեցին և ուղեցին կոլխոզի բլիժի քարտուղարի պաշտոնով գյուղ ուղարկել, նա հրաժարվեց ու հայտարարեց՝ գիտեք ինչ, թե՛ «Մասշտաբը նրա համար փոքր ե» (ծիծաղ): Միայն բյուրոկրատը, կարյերիստը կարող ե հրաժարվել կոլխոզի բլիժում աշխատելուց: Այն ժամանակ, յերբ կուսակցությունը գյուղ եր ուղարկում իր լավագույն անդամներին, յերբ Ռուսովի կուսկազմակերպությունը 10 հազարից ավելի կուսանդամներ ե ուղարկել գյուղ, յերբ կուսակին հաջողվեց գյուղում կազմակերպել սարքուստ և դիմադրություն կուսակցության անցկացրած միջոցառումների հանդեպ, — այս Գանդյուկի համար կոլխոզի բլիժը մասշտաբով փոքր դուրս յեկավ: Այսպիսի բյուրոկրատներին, կարյերիստներին մենք պետք ե դուրս վճռենք զտման ժամանակ:

VI. ԱՎԵԼԻ ԲԱՐՉՐ ԵԿՏԻՎՈՒԹՅՈՒՆ, ԱՎԵԼԻ ԼԵՅՆ ԲՈԼՁԵՎԻՑԱՆ ԻՆՔՆԵՔՆՆԱԴԵՏՈՒԹՅՈՒՆ

Կուսակցութեան ղտումը պետք է անցկենա կուսակցութեան անդամներին, կոմյերիտականներին, պրոֆսիուրիտական կազմակերպութիւններին, բոլոր բանվորական և կոլխոզային մասսաներին բացառիկ ակտիվութեամբ: Անցած զտման փորձը ցույց է տալիս, վոր աղտոտված բջիջներում զրտման հանձնաժողովին աշխատանքի դեմ յերբեմն սարսուտ է կազմակերպվում: Ահա, որինակ. Արմավիր-II քարշի ծառայողների զտման ժամանակ կոմունիստների և անկուսակցականների ընդհանուր լուսթյուն եր տիրում: Յերբ հանձնաժողովին նախագահը հարցերց լուսթյան պատճառների մասին, զուրս յեկավ կուսկոլեկտիվի քարտուղար ընկ. Անտիպովը և հայտարարեց, թե կուսակցութեան անդամների և անկուսակցականների լուսթյան պատճառն այն է, վոր հանձնաժողովն առաջադրել է արտադրական բնույթ կրող խիստ պահանջներ, և բանվորները լուռ են նրա համար, վոր հանձնաժողովը «ժանդարմի» պես է պահում իրեն (ծիծաղ): Կուսկոլեկտիվի քարտուղարի այսպիսի յեւույթից հետո, 20-ից ավելի ընկերներ յեւույթ ունեցան ու պահանջեցին հանել նրան աշխատանքից:

Դժվար.չե հասկանալ, վոր այս բջիջը շատ եր աղտոտված: Պարզվեց, վոր այս բջիջի յերկու կուսակցական անդամներ ծառայած են յեղել Ալեքսեևի սպիտակ գվարդիական գընդում, մեկը վոստիկան է յեղած, մյուսը ծառայել է հակահետախուզական բաժնում և մեկն էլ ժանդարմ է յեղած: Ահա ձեզ մի փնջիկ: Յեվ բնական է, վոր այս մարդիկ, կանգնած լինելով կուսկազմակերպութեան գլուխը, չեյին կարող թույլ տալ, վոր յերևան գա կուսակցականների և անկուսակցական մասսաների ակտիվությունը: Սրանով պետք է բացատրել այն լուսթյունը, վոր տեղի ունեցավ Արմավիր-II-ում, զտման ժամանակ: Կրկնում եմ, վոր միայն ամբողջ բանվորական և կոլխոզական մասսաների ակտիվութեամբ, լայն ինքնաքննադատութեամբ հարկավոր է և կարելի յե տանել կուսակցական շարքերի զտման աշխատանքը:

Դուք գիտեք, վոր ամենապատասխանատու խնդիրն ընկնում է այն ընկերներին վրա, վորոնք կատարում են զտումը, գործ ունեն կենդանի մարդկանց հետ: Հանձնաժողովի անդամներից, նրա նախագահից պահանջվում է բացառիկ համբերություն, բացառիկ ուշադրություն, բացառիկ փափկանկատություն այն ամենքի վերաբերմամբ, վորոնք զտման են յենթարկվում: Դրա հետ միասին, հանձ-

նաժողովի անդամները պարտավոր են համապատասխան պայմաններ ստեղծել նրանց համար, վորոնք գտման են յենթարկվում: Զպետք է այնպես անել, վոր կուսակցության անդամները քըննության յեկած զգան իրենց: Զե վոր մենք ձեզ հետ դպրոցականներ չենք, հետեւեալը և քննության պայմաններ չպետք է ստեղծել: Զտման ժամանակ պետք է ընկերական շրջապատ ստեղծել, կուսակցական ժողովի, կուսակցության առանձին անդամների ու թեկնածուների, ինչպես և ժողովում մասնակցող անկուսակցականների հայտարարութիւններին հանդէպ անուշադիր վերաբերմունք ցույց չտալ:

Մեր կուսակցության գտումը պետք է աջակցի կուսակցականութեան անդամների գիտելիքների մակարդակի բարձրացմանը: Գարծում եմ, վոր ձեր մեջ կան այնպիսիները, վորոնք քաղաքական գրագիտության մեջ ավելի թույլ են՝ քան թե մի քանի անկուսակցական բանվորներ: Յերբեմն անկուսակցական բանվորն ավելի զբաղեւ է, քան թե մեր կուսակցականները: Դա անթույլատրելի չէ: Զե վոր մեր կուսակցութիւնը բանվոր դասակարգի առաջադէպն է: Կոմունիստը ձեռնարկության առաջավոր բանվորն է: Անկարելի է թույլատրել, վորպեսզի անկուսակցականները չկարողանան ստանալ նրանից բավականաչափ բացատրու-

թիւն և լուսաբանութիւն՝ կուսակցութեան ընթացիկ քաղաքականութեան բոլոր հարցերի մասին: Կուսակցութեան անդամները պարտավոր են իմանալու կուսակցութեան և՛ ծրագիրը և՛ կանոնադրութիւնը: Նրանք պետք է ունենան քաղաքական գրագիտութեան միջնակարգ և պետք է տեղյակ լինեն կուսակցութեան քաղաքականութեան: Կուսակցութեան անդամները պետք է իմանան կուսակցութեան XVII համագումարի վորոշումները և գործով ցույց տան, թե ինչպես են անցկացնում այս վորոշումներն իրենց ձեռնարկութեան մեջ, դադգյահի մոտ: Դա նվազագույն պահանջն է, վոր մենք առաջադրելու յենք կուսակցութեան անդամին: Զի կարելի թույլ տալ այնպիսի դրութիւն, վորպեսզի կուսակցութեան անդամները լրագիր չկարդան և տեղյակ չլինեն քաղաքական անցուդարձերին: Պետք է պահանջել, վորպեսզի կոմունիստները թերեւտիկ գիտելիքների միջնակարգ ունենան:

Դա չի նշանակում, վոր մենք կուսակցութեան յուրաքանչյուր անդամից պիտի պահանջենք, վոր նա իմանա Մարքսի «Կապիտալը» կամ նրա այլ յերկերը: Յերբեմն յարանից «խիզախները» այնպիսի հարցեր են տալիս, վոր իրենք ել լավ չգիտեն: Վոմանք ել «ենեդամիտ» հարցեր են տալիս: Նման տեսակի հարցեր տալը կատեգորիկ

կերպով արգելվում է: Լինում են դեպքեր, յերբ
կուսակցության շատ լավ անդամը, վորը քիչ-շատ
պատրաստված է, գտման ժամանակ ինքն իրեն
կորցնում է հենց նրա համար, վոր համապատաս-
խան շրջապատ չի ստեղծված: Հաշվի պետք է
առնել նաև այս հանգամանքը: Սա մի շատ դժ-
վար խնդիր է նրանց համար, վորոնք գտման գոր-
ծունն են աշխատելու Բայց և այնպես անուշադիր
չպետք է թողնել այս տեսակ փաստերը: Այստեղ
պահանջվում է դիֆերենցված մոտեցում կուսակ-
ցության յուրաքանչյուր անդամին, յուրաքան-
չյուր թեկնածուին: Յերբ գտելու լինենք Ռոս-
տովի մարքսիզմի կուրսերի ունկնդիրներին,
մենք չենք կարող հրաժարվել թեորեաիկ հար-
ցերից, վորովհետև ունկնդրի պատասխանը վորո-
շիւր յե նրա պրոգնոզիայի վորակը: Այստեղ մենք
վհարցնենք և՛ «Իմպերիալիզմի» և այլ բաների մա-
սին, բայց նույնը «Աքսալում» անթույլատրելի
յե: Կարող է լինել և՛ այսպիսի դրություն, յերբ
կուսակցության անդամը, վոր մասնակցել է քա-
ղաքացիական պատերազմին, թեորեաիկ գիտե-
լիքներից թույլ լինի: Այժմ, յերբ մենք լուծում
ենք անդասակարգ հասարակություն կառուցելու
վեհադույն խնդիրները, կուսակցության անդա-
մից մենք պետք է պահանջենք իր գիտելիքների
մակարդակը բարձրացնել և, յեթե դուրս գա, վոր

նա վատ է պատրաստված, ապա նա կարող է
կուսակցության անդամից փոխադրվել թեկնա-
ծուների շարքը, իսկ թեկնածությունից — հա-
մակրողների խումբը: Յեվ այս վնչ թե պատ-
ժելու, այլ կուսակցության անդամին անհրաժեշտ
գիտելիքներով դինելու նպատակով: Յեթի մի տա-
րուց հետո համակրողների խումբը փոխադրվածը
պատրաստություն ձեռք բերած լինի, նա կարող
է փոխադրվել վորպես թեկնածու կամ ուղղակի
վորպես կուսակցության անդամ

* * *

Ահա, ընկեր'եր, հիմնականում այն հարցերը,
վորոնք պիտի դրվեն զմտան ժամանակ Ռոստովի
կուսակցության կազմակերպության առաջ, վորը
յերկրամասի խոշորագույն կազմակերպությունն է:

Պետք է ասել, վոր յեռամսյակի առաջին յե-
կու ամիսներում արդյունաբերական արտադրու-
թյան բնագավառում Ռոստով քաղաքի ցուցանի-
ցեր յալիքից չեն, անբավարար են: Այդ ցույց է
ճալիս, վոր կուսակցական աշխատանքը բուլացել
է, այդ ցույց է ճալիս, վոր մեք բնկերները դեռ
բավականաչափ մոբիլիզացիայի չեն յեմբարգել
իրենց՝ կուսակցության XVII համագումարի վո-
րուումները կատարելու համար: Յեթի Ռոստովի
արդյունաբերությունը պլանը չի կատարել, դա

նշանակում է, վոր Ռոստովի կուսակազմակերպության աշխատանքը գորհացուցիչ է:

Ռոստովի կուսակազմակերպությունը պետք է սգտադործի մնացած ժամանակամիջոցը մասսաների վերելքի համար՝ արտադրական պլանները կատարելու նպատակով: Ռոստովի կուսակցական կազմակերպությունը չունի վոչ մի հիմք և իրավունք ճեղքվածքով ներկայանալ գտմանը: Իբրև յերկրամասի խոշոր պրոլետարական կազմակերպություն, Ռոստովի կուսակազմակերպությունը պարտական պիտի լինի ոգնել գտման հանձնաժողովին՝ մյուս քաղաքների ու գյուղերի կուսակազմակերպությունները ևս գտելու: Ռոստովի կուսակցական կազմակերպությունից մենք պահանջում ենք 414 կազմված բոլշևիկներ, վորոնք կարողանան գտել թե՛ Ռոստովի կազմակերպությունը և թե՛ ռայոնի ու գյուղերի կազմակերպությունները: Դա նշանակում է, վոր Ռոստովի կուսակազմակերպությունը պետք է դատի կուսակցության 414 անդամ 7—10 տարվա ստաժով: Լավագույններէն լավագույններին — անա վորոնց պէտք է գաի Ռոստովի կուսակազմակերպությունը իբրեւ ոգնություն Ագով-Սեվծովյան կուսակցական կազմակերպության գեման գործին: Լավագույններէն լավագույնները միայն կարող են գտի մյուսներին:

1934 թվի գտումը պետք է անցնի բոլորովին տարբեր պայմաններում, քան անցյալ տարիներին: 1932—33 թ. Ագով-Սեվծովյան յերկրամասում մենք ունեյինք կուսակային սաբոտաժ, մանավանդ կուսական: Նույնը չենք կարող ասել ներկայիս մասին: Սակայն անվիճելի յե, վոր սաբոտաժային տարրեր կան և առանձին կոլխոզներում, վոր մինչև այժմ ել դեռ գոյություն ունի դասակարգային թշնամու դիմադրությունը: Դա շատ է փոխում մեր կուսակցության աշխատանքի պայմանները: Բայց կրկնում եմ, վոր դա չի նշանակում, թե դասակարգային պայքարը թուլացել է գյուղում: Բոլորովին վոչ: Դասակարգային պայքարը կա և այժմ: Դասակարգային թշնամու դիմադրությունը շատ մեծ է, դա ավելի ևս պարտավորեցնում է մեզ բարձրացնել դասակարգային զգոնությունը, դատել կուսակցության լավագույն անդամներին՝ գյուղի կուսակցական շրջերը գտելու համար, ծավալել սոցիալիստական մրցակցությունը և հարվածայնությունը՝ հաղթանակով ներկայանալու համար գտմանը:

Պետք է խնդիր դնել մեր առաջ ներկայանալ գտմանը՝ արտադրական պլանը կատարած: Ահա մի խնդիր, վորը Ռոստովի կուսակցական կազմակերպությունը պետք է առաջադրի իրեն: Դյուղական կուսակազմակերպությունները պետք է

խնդիր առաջադրեն իրենց՝ մաքսիմալ չափով
կրճատել ցանճախ ժամկետները, բարձրացնել ցան-
ջախ վորակը: Կուսակցության յուրաքանչյուր ան-
դամի խնդիրն է — մինչեւ զօւմը կատարել յեւ
գերակատարել վոյ միայն իր նորմերն, այլ յեւ իր
բոլորագործի, իր ցեղի պլանը:

Կասկած չկա, վոր Ազով-Սեվծովյան կուսակ-
ցական կազմակերպությունը, վորն անցյալում վոյ
սակավ հաղթանակներ է ունեցել յեւ Լենինի սեծ
կուսակցության մի մասն է հանդիսանում, կուսակ-
ցություն, վորը դեկավարվում է բանվոր դասակարգի
վոյզ հերոսականը մարմնացնող՝ ժամանակիս մեծա-
զույն մարդու, համաշխարհային պրոլետարիատի
առաջնորդ ընկ. Սալիկի կողմից — զսմանը կներկա-
յանա նոր հաղթանակներով: (Ծափահարություններ):



<< Ազգային գրադարան



Հիշե
Цена 12 Կոպ.
Коп.

15912—

С. К. ШАДУНЦ

ЗАДАЧИ ЧИСТКИ
АЗОВО-ЧЕРНОМОРСКОЙ
ПАРТИЙНОЙ ОРГАНИЗАЦИИ

На армянском языке

СКЛАД ИЗДАНИЯ
Ростов на Дону
Ул. Ф. Энгельса, 90
П А Р Т И З Д А Т